

Gvangjsih Minzcuz Bau

Cawjguen: Gvangsijh Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangsijh Minzcuz Bause

Geiz neix 8 banj

Aenhauh okbanj: CN45-0036

B.2024

Nd.5 Ng.8

Liggaeuq gyapsaenz nienz ndwenseiq coit

Geizsoq: Gungh daih 3621 geiz

Liuz Ningz Bae Fangzcwngzgangj Si Diuyenz

5 nyied 5 hauh ngoenzgyaj “haj it” ciet lauzdung gozci, Sweigih Dangjvej suhgi Liuz Ningz bae Fangzcwngzgangj Si diuyenz, daegbied gangj daengz aeu gvancez doeksaed gij iugouz fanghloz hungnaek Siz Ginbingz cungjsuhgi naeuz Gvangsijh, hag fanghloz, maeuz cauhoq, gaem doeksaed, gejcungq swhsiengj, cauhoq moq gouzbienq, coh haij maeuz ak, haicuengq hwnghat, hopheux hwnghat “gih ndeu song dieg”, gaenxmaenx camgya caezhwnq diuz roen moq luz haij baihsae ndei saed, cungfaen yungh ndei Fangzcwngzgangj Gozci Yihyo Haicuengq Siznengih, Henzgyaiq Henzgangj Canjyez Yenzgih caeuq Cungguk—Dunghmungz Canjyez Hozcozgi daengj bingzdaiz, ciuq dieg bae hwnghat yiengh swnghcanliz akmoq, doidoengh canjyez moq, vunqsik moq, doenghnaengz

moq hwnghat, bangrenz raiz bien faenzcieng Gvangsijh yiengh yendaiva Cungguk engq ndei bae.

Youq Dunghhing Goujan Yizgyauz, Liuz Ningz daengz dieg cazyawj vunz baedauq, bien’ gyaiq gaicawx, hamj gyaiq baeyouz daengj cingzgvang. “Siz Ginbingz cungjsuhgi naeuz gvaq, dwk ndei buenz geiz Gvangsijh hwnghat, ‘dieg roengz ceh’ couh dwg gyalai haicuengq.” Liuz Ningz naeuz, goujan dwg aen dieg youqgaenj doiq ndaw doiq rog haicuengq, aeu haeujlaeg caeuq Yeznanz dietloh, goengloh, haijlh daengj doxlienx doxdoeng doxgap, haenqrenz daezswng vunz baedauq, vuzliuz doengrat daengj gvaqgvandaej bienhleih, dajcauh aen vunqsik gvaqgvandaej bienhleih, roengzrenz gyalai haicuengq dwk ndei buenz geiz Gvangsijh hwnghat, bangrenz dajcauh

aen dieg bienhleih guenjguh hawciengz doxhop guekndaw guekrog.

Ndoengfaex nding dwg doengh gofaex ranghdieg yezdai yayezdai diegcumx hamqhaij daegbied gagmiz, soqlaiz miz aen cwnghueh “ndoengfaex gwnz haij” “bouxhen hamqhaij”. Liuz Ningz riengz Can’ gyauz daengz dieg cazyawj dieg ndoengfaex nding sengmaj, dingqaeu mizgven cingzgvang gaisau, daegbied gangj daengz aeu haeujlaeg hagsib gvancez gij swhsiengj swnghdai vwnzmingz Siz Ginbingz, geiqmaenx “gijndei swnghdai Gvangsijh gim mbouj vuenh”, aeueiq gohyoz, doeksaed cwzyin, lumj gyaezhoh lwgda nei henhoh ndei ndoengfaex nding, caezhwnq caezyungh aen gyaranz gyaeundeihabyouq souhlaux.

Youq Fangzcwngzgangj Baksok 1 Hauh Baksok, Liuz Ningz ciengzsaeq

roxyiuj diuz roen moq luz haij baihsae haijdiet lienzyinh caeuq gangjgouj baksok hwnghat yinhyingz cingzgvang, daegbied gangj daengz aeu gvancez doeksaed sezsih itdaengj, dinfwngz itdaengj, guenjleix itdaengj, fugsah itdaengj “seiq aen itdaengj” iugouz youqgaenj Siz Ginbingz cungjsuhgi naeuz de, baengh hwnghat diuz roen moq luz haij baihsae, gyavaij hwnghat giekdaj sezsih gangjgouj yendaiva, guhndei gangjgouj boiqdauq sezsih, netsaed doidoengh hwnghat aen gangjgouj gozci, haenqrenz hwnghat henzgangj canjyez caeuq coh haij ginghci, doidoengh ginghci hwnghat ndei saed, fugsah caeuq yungzhaej aen gwzgz hwnghat moq engq ndei bae.

(Cinz Yizcwz daj 《Gvangsijh Yizbau》 aeu daeuj genj hoiz)



Sanhgyangh: Baeyouz Dieg Ndaemcaz Cimz Caz

5 nyied 2 hauh, Sanhgyangh Dungcu Swciyen Bazgyangh Cin Buyangh Senhyinzsanh Ginggih banh youq suen caz cunzyouz, yienj heiq sawq mbaet caz, langhbaiz dinfwngz cimq caz daengj hozdung lai yiengh, yienj gij vwnzva caz Mbanjdung, yinx ndaej haujlai hekyouz daeuj yawjgonz sawqguh, hawj ngoenzgyaj lai yinx. Ndaw doz dwg hekyouz cingq sawq mbaet caz.

(Gungh Bujganh Liengz Siumingz ingi)

Daengx Gih Vwnzva Caeuq Lijyouz Hawciengz Hoenghhdhwd

Youq bozvuzgvandaej raen lai, bae denyinyen youqndwi, bae dieggingj yawj minzcuz vwnzva.....Ngoenzgyaj “haj it”, Gvangsijh gak gaep vwnzva caeuq lijyouz bumwnz gunghawj doxgaiq lairaeuh, vwnzva caeuq lijyouz hawciengz diemjrongh lai raixcaix, hoenghhdhwd.

Gunghgung vwnzva fuzvu gunghawj fungfouq lai yiengh. Daengx gih gak gunghgung vwnzva cangzgvandaej hozdung miz daegsaek vwnzva, yinx hekyouz siminz doxceng dingzdin yawj. Nanzningz Si Bozvuzgvandaej, duzshgvandaej caepcawq le bae damqra gij saenzmaed bozvuzgvandaej, Cungguk Dwzgoz yisuz gyauhliuzcanj daengj baenz roix hozdung vwnzva lai cungj

lai yiengh. Geiqniemh langhbaiz heiq saenamz 80 hopbi nem gaiq daihbet daengx guek heiqvah heiqmoeg maenhndei baijyienj hawj bouxyawj yawj gvaqyinx dangqmaz.

Vwnzva lijyouz cawjdaez hozdung ndei yawj dangqmaz. Liujcouh Si Yauzbu Gujcin banh “Sanhcej guhmoiz”, daejniemh ciuhgeq guhlawz aeubawx baehaq daengj hozdung, Sanhgyangh Dungcu Swciyen Cwngzgyangz Bazcai Ginggih doiok “haigengcieng gingq vaiz” daihgingz minzcuz vwnzva hozdung, hawj hekyouz cungfaen roxyinh gij minzcuz fungcingz noengznwd. Gveilinz Si saekhoengz lijyouz laebdaeb dauqndei, Cenzcouh Yen, Hingh’ anh Yen caeuq Gvan-

yangz Yen daengj dieg bienqbaenz dieg hekyouz baeyouz dajgaj.

Leih minz lijyouz cwnghcwz bangdoi vwnzlij hawciengz hwnghat hoenghvuengh. Vuzcouh Si Denhlungzdingj Sanhdi Gunghyenz, Dwngzyen Sizbyaujsanx daengj dieggingj caeuq Vuzcouh Gijdz Hungz Singh Seizlzfangh Binghsez Seiqgyaiq doiok fei haeuj dou aeu cienz buenq ndeu daengj banhfap hawj bienzngiez. Bwzswz Si Davangzlingj Ginggih, Lingzyinz Yen Haugunhhu, Dwzbaubj Yen Dieggingj Maxdaemq faenbied doiok fei baenzdauq ndaej bienzngiez, haeuj aen dou nduj mbouj aeu cienz, aeu cienz buenq ndeu caeuq boux daegdingh mbouj aeu cienz daengj

banhfap.

Meijdonz soqgawq yienh’ ok, ngoenzgyaj “haj it”, Gvangsijh vwnzlij soq dinghdan (baugvat ginggih, dozninz, naenghci daengj) doengzbeij demmaj mauhgvaq 56%, ndawde, dieg baiz youq baihnaj sam mingz dwg Nanzningz, Gveilinz, Liujcouh; cawz vunz bonjdieg le, lijimiz Sinhein, Gvangjcouh, Dunghgvandaej daengj dieg hekyouz youq ngoenzgyaj daeuj Gvangsijh lijyouz dem. Ngoenzgyaj hamj dieg baeyouz ciemq lai, hekyouz bae dieggyae youz laebdaeb gyalai, lumjbaenz gaiqgn youq bouq gwn, Gvangsijh hekyouz diegwnq roengzdan youq bouq gwnndoeit doengzbeij demmaj mauhgvaq 108%.

(Hij Danhdngz)